



UNIVERSITÄTS-  
BIBLIOTHEK  
PADERBORN

## **Concilia Provincialia Mediolanensis Sex**

**Borromeo, Carlo**

**Venetiis, 1602**

De carceris protectore.

---

[urn:nbn:de:hbz:466:1-62072](https://nbn-resolving.org/urn:nbn:de:hbz:466:1-62072)

3 Curent etiam per certos homines, ab eis deligendos, semel in hebdomada visitandos eos, qui in carcere tenentur; qui si illos indignius, & accerbius tractare cōpererint; referant ad Episcopum, qui pro sua prudentia, ac pietate, nē quid iniquius fiat, omninō prouideat.

4 Designent verō Episcopi aliquos, qui miserabilium personarum causas gratis defendant.

5 Inferiores quoque ministri in Christiane vite officijs contineantur: curentque Episcopi, vt à ganeis, & meretricibus, à ludo cuiusuis generis, ab improbatis questibus abstineant; nē blasphemii sint, nec vite moribus reprehendendis. Si quos deliquisse, compertum erit, in eos animaduertatur.

**De Carceris Protectore.**

**S V M M A R I V M.**

- 1 Carceris Protector, Ecclesiasticus, & quis: & quanto tempore perseueret.
- 2 Eius officium quale.
- 3 Cum carceris custodibus quid agat.
- 4 Carceratos monitione, correctioneque egentes, moneat, corripiatque.
- 5 Et quos Episcopo deferat.



It etiam fori Episcopalis carceris protector vnus è Canonicis Ecclesie Cathedralis, vel alius Ecclesiastici ordinis vir: quem secundo quoque anno, aut breuiori temporis spacio, prout maluerit Episcopus ei cure, protectioniue preficiat: rursusque ab illo munere liberè amoueat, etiam ante prefinitum tempus pro arbitratu suo.

*§. de Epō episcop. Iur. & foro.*

2 Eius officium erit, exquirere diligenter, ac simul curare, vt Aduocatus, Procuratoruē pauperum, satellites, & custodes carceris muneri suo nē in aliqua re desint, neque quicquā committant, quod ijs, qui in custodia sunt, fraudi, damnouē esse possit.

Inuestiget prætereà sollicito, diligentique studio, que illorum cura adhibeatur, cum in primis ad animę salutem, tum etiam ad corporis sustentationem: & que verò de toto eò genere in Concilio Prouinciali primo, & tertio cauta sunt, an præstentur quā rectissimè: & quid denique officij erga ipsos singuli ij præstent, quibus commissum est.

Causę item eorundem, & quàm celleri mē fieri potest, rectę, cū equitatisque ratione congruenter diffiniantur, etiam atque etiam duriosę videat, ac procuret.

Singulis hebdomadis sepe, vel minimum bis vnumquemque, qui in carcere est, inuisat. At si qui sunt, qui arctiori secretioris custodia inclusi tenentur, eos item vilitatum eat: sed hoc omne officium, Vicario consentiente, eodemque presente, aut Procuratore Fisci Episcopalis, aliouē, quem idem Vicarius maluerit; si itā magis expedire censuerit, ipse præstet, nec verò aliās.

3. Carceris item custodes sepius per hebdomadam adhibeat, quibuscum agat, quęcumque non solum ad mores corrigendos, sed ad vitam sustentandam, necessitatesque subleuandas eorum pertinent, qui in vinculis, custodiam sunt. Ac proinde libenter, benignęque audiat, quę quotidie sibi eo de genere ab illis exponuntur: & quibus opus esse viderit, vt consulatur, ac prouideatur; in ijs omnes curę, sollicitudinisque partes, vt oportebit, quàm diligentissimę præstet.

4. Si porrò vel vniuersos, vel singulos, qui in carcere sunt, itā se male gerere perspexerit, vt correctione, monitione uē opus habeant ad morum disciplinam, eos, prout oportunitas tulerit, & monere, & hortari, & obiurgare; & corripere nē desistat.

5. Si verò alios muneri suo deesse, aut in eo peccare animaduertit, cū illos sui officij, atque adeo errati moneat in primis; tū si opus erit, ob eam causam Episcopum, aut Vicarium generalem adeat, cuius auctoritate malorum pertinacię occurratur.

#### De Visitatione ab Episcopo facienda Tribunalis, & Carceris.

*S. V. M. M. A. R. I. V. M.*

1. Tribunal Episcopale ab Episcopo quotannis visitandum.
2. Carcer etiam ab Episcopo aliquando visitandus.
3. Visitatio Carceris quo sine peragenda: queque curanda.
4. Carcerati à Carceris Protectore singula hebdomada pariter inuisendi. De Carceris Protectore, nu. 2.